

元代史書 四卷

元
代
史料叢刊
初編

黃山書社

本紀卷二十一

新元史卷之二十一

賜進士出身日講起居注官翰林院侍讀國史館纂修膠州柯劭忞撰

文宗上

文宗聖明元孝皇帝諱圖帖睦爾武宗次子也母曰文獻昭聖皇后唐兀氏帝以大德八年正月癸亥生英宗至治元年五月欽察台咬住告脫歡察兒等交結親藩有異志詞連於帝乃出帝居瓊州秦定元年正月召還至潭州復命止之四月自潭州至京師八月賜鈔三千錠十月封懷王食邑端州六萬五千戶賜金印並增歲幣千匹二年正月又出帝居建康以殊祥院使也先捏領宿衛致和元年三月遣宗正札魯忽赤雍古台遷帝於江陵七月庚午秦定帝崩於上都先是秦定帝將幸上都命西安王阿剌忒納失里留守同僉樞密院事燕鐵木兒留掌樞密符印至是燕鐵木兒間奏定帝崩密與阿剌忒納失里謀奉帝入承大統八月甲午黎明百

官集興聖宮燕鐵木兒率阿剌鐵木兒孛倫赤等十七人露刃宣言於眾曰武宗皇帝有聖子二人天下歸心宜踐大位有不奉命者斬之乃縛平章政事兀伯都剌伯顏察兒分命執中書左丞朶朶參知政事王士熙參議中書省事脫脫吳秉道侍御史鐵木哥邱世傑治書侍御史脫歡詹事丞王桓等下獄與阿剌忒納失里籍府庫拘符印召百官入內廷聽命遣大司農卿明里董阿前宣政使答里麻失里馳馴迎帝於江陵密諭河南行省平章政事伯顏簡士馬以備扈從是日推前湖廣行省左丞相別不花爲中書左丞相太子詹事塔失海牙爲中書平章政事前湖廣行省右丞速速爲中書左丞前陝西行省參知政事王不憐吉歹爲樞密副使蕭蒙古歹仍爲通政院使同僉樞密院事燕鐵木兒翰林學士承旨亦列赤通政院使寒食分典庶務諸人旣受命未知所謝注目而立燕鐵木兒麾眾使南向拜以帝

在江陵也。衆始喻旨。丁酉，燕鐵木兒復遣撒里不花等來迎。且使塔失鐵木兒矯爲帝使者，自南來言：「車駕已次近郊。」癸卯，明里董阿等至江陵。甲辰，帝發江陵召鎮南王鐵木兒、不花、威順王寬徹、不花、湖廣行省平章政事高昌王鐵木兒、補化來會執湖廣行省左丞馬合某送京師，以別薛代之乙巳，召陝西行台侍御史馬札兒、合行省平章政事探馬赤不至。丁未，河南行省平章政事伯顏爲行省左丞相，庚戌，車駕至汴梁。伯顏等扈從北行。鐵木兒補化爲湖廣行省左丞相，前翰林學士承旨阿里海涯爲河南行省平章政事。辛亥，燕鐵木兒知樞密院事，亦列赤爲御史中丞。壬子，阿速衛指揮使脫脫木兒率所部自上都來降，命守古北口。乙卯，脫脫木兒與上都諸王失剌、平章政事乃馬台、詹事欽察等戰於宜興，敗之，獲乃馬台、欽察、丙辰，燕鐵木兒奉法駕郊迎。丁巳，帝至京師，貴赤衛指揮使脫迭出帥所部自上

都來降命與脫脫木兒同守古北口戊午速速爲中書平章政事前御史中丞曹立爲中書右丞江浙行省參知政事張友諒爲中書參知政事河南行省左丞相伯顏爲御史大夫中書右丞趙世延罷爲御史中丞己未萬戶也速合兒同知樞密院事殺隆鎮衛指揮使黑漢籍其家梁王王禪右丞相塔失帖木兒太尉不花平章政事買驢御史大夫紐澤等將上都兵次於榆林九月庚申朔燕鐵木兒督師至居庸關撒敦敗上都兵於榆林壬戌詔曰昔在世祖以及列聖臨御咸令中書省綱維百司總裁庶政凡錢穀銓選刑罰興造罔不司之自今除樞密院御史台其餘諸司及左右近侍敢有隔越中書奏請政務者以違制論監察御史其糾之鐵木兒補化錄軍國重事徵五衛屯田兵赴京師安南國來貢方物召燕鐵木兒還京師丁卯燕鐵木兒率諸王大臣伏闕請早正大位以安天下帝固辭曰大兄在朔方朕

安敢紊天序燕帖木兒進曰人心向背之機間不容髮一或失之噬臍無及帝曰必不得已宜宣明朕意以示天下戊辰大司農明里董阿大都留守開闢台並爲中書平章政事己巳鑄御寶成立行樞密院於汴梁同知樞密院事也速台兒知行樞密院事巡視太行諸隘辛未帝常服謁太廟雲南孟定路蠻酋來獻方物殺兀伯都刺鐵木哥流朶朶王士熙伯顏察兒脫歡等於遠州並籍其家壬申帝卽位於大明殿受諸王百官朝賀詔曰洪維我太祖皇帝混一海宇爰立定制以一統緒宗親各受分地勿敢妄生覬覦此不易之成規萬世所守者也世祖之後成宗武宗仁宗英宗以公天下之心次第相傳宗王貴戚咸遵祖訓至於晉王具有盟誓願守藩服而與賊臣鐵失也先帖木兒等潛通陰謀冒干天位使英宗不幸罹於大故朕兄弟播遷南北備歷艱難朕以叔父之故順承惟謹於今六年災異迭見權臣倒

刺沙兀伯都刺等專權自用疎遠勛舊廢棄忠良變亂
祖宗法制空府庫以私其黨與大行上賓利於立幼顯
握國柄用濟其奸宗王大臣以宗社之重統緒之正協
誠推戴屬於眇躬朕以菲德宜俟大兄固讓再三咸以
神器不可久虛天下不可無主民庶遑遑已及三月誠
懇迫切朕始曲從其請仍俟大兄之至以遂朕固讓之
心已於致和元年九月十三日卽皇帝位於大明殿其
以致和元年爲天厯元年可大赦天下自九月十三日
昧爽以前除謀殺祖父母父母妻妾殺夫奴婢殺主謀
殺故殺及強盜印造僞鈔不赦外其餘罪無輕重咸赦
除之於戲朕豈有意於天下哉重念祖宗開創之艱恐
墮大業是以勉徇輿情尙賴爾中外文武臣僚協心相
予輯甯億兆以成治功咨爾多方體予至意遣使頒卽
位詔於高麗甲戌燕鐵木兒加開府儀同三司上柱國
同錄軍國重事中書右丞相知樞密院事如故癸酉中

書右丞曹立罷爲江浙行省平章政事福建廉訪使易
釋董阿爲中書右丞前中書左丞張思明爲左丞諸王
塔朮只兒哈郎佛寶等自恩州入朝燕鐵木兒督師於
薊州伯顏加太尉江南行台御史大夫朵兒只爲江浙
行省左丞相淮西道廉訪使阿兒思蘭海牙爲江南行
省御史大夫諸王孛羅忽都火者入朝乙亥立太禧院
梁王王禪陷居庸關丙子燕鐵木兒還次榆河車駕出
齊化門視師丁丑車駕還宮殺指揮使忽都不花塔失
帖木兒同知指揮使太不花戊寅詔曰近以奸臣倒刺
沙兀伯都刺潛通陰謀變易祖宗成法旣已明正其罪
凡回回種人不預其事者各安業勿懼因而煽惑其人
者罪之諸王阿兒八忽按灰脫脫人朝己卯燕鐵木兒
敗王禪於榆河又敗王禪及阿剌帖木兒等於紅橋庚
辰遣使賜燕鐵木兒御衣一襲辛巳別不花知樞密院
事依前中書左丞相燕鐵木兒敗王禪於白浮又敗亞

失帖木兒於石槽脫帖木兒敗遼東兵於檀州癸未禿
兒哈帖木兒知樞密院事中書平章政事明里董阿出
爲江浙行省平章政事甲申撒敦脫脫木兒敗王禪於
昌平北賜燕鐵木兒上樽是日竹溫台闊闊出等陷古
北口明里董阿復爲中書平章政事嶺北行省左丞燕
不鄰知樞密院事丙戌燕鐵木兒敗竹溫台等於牛頭
山獲駙馬孛羅帖木兒平章政事蒙古塔失牙失帖木
兒丁亥禿滿迭兒及諸王也先帖木兒等陷通州戊子
諸王忽剌台陷紫荆關陝西行台御史大夫也先帖木
兒陷河中府召雲南左丞相也兒吉尼不至冬十月己
丑朔燕鐵木兒敗諸王也先帖木兒於通州壬辰宣徽
使也先捏殺保定路同知阿里沙及萬戶張景武兄弟
五人癸巳燕鐵木兒敗陽翟王太平國王朵羅台等於
檀子山之棗林獲太平乙未諸王忽剌台等寇良鄉丙
申燕鐵木兒至蘆溝橋忽剌台遁走是日燕鐵木兒入

朝賜宴興聖殿戊戌獲忽刺台阿剌帖木兒朵羅台安童塔海等於紫荆關己亥封燕鐵木兒太平王加號答剌罕燕鐵木兒敗禿滿迭兒等於檀州南之桑口辛丑同知樞密院事脫脫木兒通政使也不倫並知樞密院事御史中丞亦列赤爲御史大夫齊王月魯帖木兒東路蒙古元帥不花帖木兒圍上都倒刺沙奉皇帝寶出降月魯帖木兒殺遼王脫脫王寅宣徽使也先捏知行樞密院事宜徽副使章吉爲行樞密院副使與知樞密院事也速台兒等禦潼關兵甲辰詔晉王遼王管內路府州縣達魯火赤並免官禁錮選流官代之丙午勅有罪者祇籍其家勿沒妻子丁未告祭南郊中書平章政事塔失海牙罷爲大司農欽察台復爲中書平章政事雲南銀沙羅甸蠻酋來獻方物己酉中書左丞相別不花加太保落知樞密院事庚戌帝御興聖殿齊王月魯帖木兒諸王別思帖木兒阿兒哈失里那海罕及元帥

不花帖木兒奉上皇帝寶下例刺沙等於獄辛亥雲南
徹里路蠻酋來獻方物癸丑不花帖木兒知樞密院事
甲寅罷徵政院改立儲慶使司也速答兒執湘甯王八
刺失里送京師丁巳毀顯宗廟室戊午盜殺太尉不花
十一月己未詔曰諸王王禪及禿滿迭兒阿刺不花禿
堅等兵敗而逃有能禽獲者授五品官同黨之人能去
逆效順擒王禪等免本罪依上授官敢有隱匿者事覺
與犯人同罪太保伯答沙爲太傅兼宗正札魯忽赤總
兵北邊辛酉諸王也先帖木兒來降甲子有事於太廟
辛未鐵木哥陷襄陽縣尹谷庭珪主簿張德死之壬申
祭告社稷癸酉八百媳婦蠻酋及雲南威楚路九十九
寨蠻各以方物來獻杖流諸王失刺等於遠州并籍其
家甲戌遷泰定帝皇后宏吉利氏於東安州丙子中書
平章政事速速坐受賂杖徙襄陽以母老留之京師丁
丑以祀太廟禮成受諸王百官朝賀庚辰遣使迎皇兄

周王於漠北中政院使敬儼爲中書平章政事同知樞密院事徹里帖木兒爲中書左丞辛巳御史中丞玘瑯不花爲中書右丞癸未殺倒刺沙馬某沙紐澤撒的迷失也先帖木兒磔倒刺沙之尸於市梁王王禪賜死御史中丞趙世延加平章政事罷行宣政院行都水監四川行省平章政事囊家歹自稱鎮西王殺行省平章政事寬徹中書左丞相別不花罷十二月丙午幸大崇恩福元寺謁武宗神御殿雲南蠻酋普雙等來獻方物同知樞密院事也先捏坐擅殺官吏杖竄南甯并籍其家庚子大赦天下追封諸王滿禿爲果王阿馬刺台爲毅王宗正札魯忽赤闊闊出等十七人並追賜功臣號及官階爵諡辛丑立龍翊侍衛親軍都指揮使司乙巳伯顏加開府儀同三司與亦列赤並爲御史大夫雲南姚州蠻酋來獻方物戊申加伯顏太保不花帖木兒太尉香山司徒甲寅復遣治書侍御史撒迪內侍不顏禿古

思迎皇兄於漠北丙辰中書左丞珙瑯不花罷爲太禧院使丁丑封西安王阿剌忒納失里爲豫王徹里帖木兒爲中書右丞羅里帖木兒爲中書左丞趙世安爲中書參知政事是月召雲南行省左丞相也兒吉尼復不至高麗國王遣使賀卽位及正旦又遣使賀聖誕節天歷二年春正月己未朔立都督府領左右欽察及龍翊衛庚申封知樞密院事火沙爲昭武郡王辛酉封朶列帖木兒爲楚王高昌王鐵木兒補化爲中書左丞相大司農王毅爲中書平章政事欽察知樞密院事癸亥燕鐵木兒爲御史大夫甲子有事於太廟齊王月魯帖木兒卒乙丑遣中書左丞羅里帖木兒迎皇兄於北邊丙寅幸大崇恩福元寺戊辰遣使獻海青鶻於皇兄辛未以冊立皇后告於南郊甲戌復命太僕卿教化獻海青鶻於皇兄己卯以冊立皇后告於太廟壬午陝西行台御史大夫阿里海牙爲中書平章政事遣內侍禿教

化觀皇兄於行在癸未遣宣靖王買奴觀皇兄於行在
丙戌皇兄周王卽皇帝位於和林北是爲明宗二月己
丑曲赦四川囊家台庚寅燕帖木兒復爲中書右丞相
辛卯帝御大明殿冊立皇后宏吉刺氏廣西思甯路蠻
酋黃克順來獻方物癸巳翰林侍讀學士曹元用祀孔
子於闕里戊戌察罕腦兒宣慰使撒忒迷失會鎮西武
靖王搠思班討囊家台頒行農桑輯要及栽桑圖辛丑
追尊皇妣亦乞烈氏爲仁獻章聖皇后唐兀氏爲文獻
昭聖皇后八百媳婦及金齒九十九洞蒙通蒙萊銀沙
羅甸諸蠻並來獻方物丙午囊家台分兵寇襄陽辛亥
帝諭羣臣曰撒迪還言大兄己卽皇帝位凡二月二十
一日以前除官者速與制勅以後銓選其聞於行在癸
丑諸王月魯帖木兒至播州詔諭楊延里不花等皆降
甲寅立奎章閣學士院翰林學士承旨忽都魯迷失集
賢大學士趙世延並爲奎章閣大學士乙卯置銀沙羅

旬等處宣慰使都元帥府三月辛酉遣燕鐵木兒奉皇
帝寶觀明宗於行在知樞密院事禿兒哈帖木兒御史
中丞八卽刺翰林直學士馬哈謀典瑞使教化的宣徽
副使章吉僉中政院事脫因通政使那海太醫使呂廷
玉給事中咬驢中書斷事官忽兒忽答右司郎中孛別
出左司員外郎王德明禮部尙書入刺哈赤等從行帝
諭羣臣曰寶璽旣北上自今國家政事其聞於行在乙
亥立行樞密院山東都萬戶也速台兒知行樞密院事
與湖廣河南兩行省官會討四川庚辰召諸王禿剌於
高麗夏四月乙丑有事於太廟辛卯也速台兒以病卒
命羅里帖木兒王不憐吉台代之王不憐吉台又以母
老辭改命同僉樞密院事傅巖起代之己亥囊家台降
癸卯明宗遣武甯王徹徹禿中書平章政事哈八兒禿
來錫命立帝爲皇太子五月己未遣翰林學士承旨阿
憐帖木兒奉迎大駕癸亥復遣翰林學士承旨幹兒朶

奉迎甲戌命中書省擬注中書六部官奏於行在所丙子改儲政院爲詹事府伯顏鐵木兒補化江南行台御史大夫阿兒思蘭海牙江浙行省平章政事曹立並爲太子詹事中書參知政事趙世安爲詹事丞丁丑皇太子發京師北迎大駕鎮南王帖木兒不花諸王也速幹卽答來不花朵來只班伯顏也不干駙馬別闊及扈衛百官悉從行六月丁酉鐵木兒補化以天旱乞避相位皇太子諭之曰皇帝遠在沙漠未能早至京師故勉攝大位今亢旱皆予闕失所致汝其祇修實政庶幾上答天變仍命鐵木兒不花奏於行在秋七月丙辰朔日有食之丙子受皇太子寶八月丙戌皇太子親明宗於旺忽察都庚寅明宗崩燕鐵木兒以皇后之命奉皇帝寶授於皇太子皇太子北還壬辰皇太子次孛羅察罕伯顏復爲中書左丞相依前太保欽察台阿兒思蘭海牙趙世延並中書平章政事甘肅行省平章政事朵兒只